

смерти. И того ради прозвася Николае Зараский.³⁸ Ини же повествуют иноко, яко того ради слова³⁹ „Зараский“.⁴⁰ что место⁴¹ пришло⁴² заразися то ⁴³—сии речь боярачисто⁴⁴ есть.⁴⁵

Проложная редакция

Текст по печатному Прологу, изд. 1662 г. (под 29 июля, л. 391—391 об.)

В той же день повесть о чудотворном образе великаго чудотворца Николаа, како принесен бысть на Рязань Заразской

В лето 6733-е при великом князе Георгии Всеволодовиче Владимирском и при великом князе Феодоре Георгиевиче Рязанском принесен бысть чудотворный образ великаго святителя Николаа из града Корсуня пресвитером Еустафием. Некогда бо в видении явися ему великий архирей Николай, повелевая ему с своим образом ити в Рязанскую землю: он же преслуша его. Святый же великий Николай второе явися ему. Понеже бо нигде слыша о Рязанстей земли, и за преслушание видения впаде в недуг главоболия, и от толикаия болезни ослепе, нападоша же на очию его, яко чешуя. Тогда припаде той Еустафий ко образу великаго архирея Николаа, и велиа слезы испущая, прощения о преслушании просяще. И абие здрав бысть, и прозре, и велие благодарение богу воздая, и великому архирею Николаю. И поем образ его, и путем грядый, достиже в пределы Рязанския. Великий же чудотворец Николай явися князю Феодору Георгиевичю Рязанскому и поведа ему пришествие свое образом своим. Князь же Феодор изыде во сретение чудотворнаго образа его со всем освященным собором. И тогда от образа многая исцеления быша. И повеле великий князь вскоре воздвигнути церковь во имя великаго чудотворца Николаа, слава бога и святаго Николаа чудотворца о великих чудотворениих похваляя. Богу нашему слава. Ныне и присно и во веки веков.

³⁸Зараский. ³⁹словеть. ⁴⁰Зараский. ⁴¹Добавл.: то, ⁴²Добавл.: велми ⁴³заразисто, ⁴⁴бугарчисто. ⁴⁵нет.